

ხ ე ლ შ ე კ რ უ ლ ე ბ ა (პერიმეტრი)
(ტექნიკური საშუალებების დროებით სარგებლობაში გადაცემის პირობებით)

№13.12-1

ქ. თბილისი

"13" დეკემბერი 2019 წ.

სსიპ კოლეჯი „თბილისის ხელოვნების კოლეჯი“ (შემდგომში „დამკვეთად“ წოდებული), მისი დირექტორის **ირაკლი ფაჩულიას** სახით, ერთი მხრივ და საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტი (შემდგომში „დაცვად“ წოდებული), დაცვის ორგანიზაციის სამმართველოს უფროსის **მამუკა ლიპარტელიანის** სახით, მეორე მხრივ, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1. „დაცვა“ უზრუნველყოფს „დამკვეთის“ **საოფისე ფართის დაცვას (CPV 79700000)** (შემდგომში „ობიექტად“ წოდებული), რომელიც მდებარეობს მისამართზე: ქ. თბილისი, კოსტავას ქუჩა N77.
- 1.2. „დამკვეთი“ იღებს ვალდებულებას „დაცვას“ გადაუხადოს დაცვის მომსახურების ღირებულება წინამდებარე ხელშეკრულების მე-2 მუხლის მოთხოვნათა მიხედვით;
- 1.3. „ობიექტის“ დაცვა განხორციელდება „დამკვეთის“ მიერ „ობიექტის“ დაცვის ცენტრალიზებულ პუნქტზე ჩაბარებისა და „დაცვის“ მიერ ობიექტის დაცვაში აყვანის შემდეგ;
- 1.4. „ობიექტის“ დაცვას განხორციელებს საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტი.

მუხლი 2. ანგარიშსწორების პირობები

- 2.1 ხელშეკრულების ჯამური ღირებულება შეადგენს 1920,00 (ერთიათასცხრასოცი) დაცვის მომსახურების ღირებულება ერთ თვეში შეადგენს 160,00 (ასსამოცი) ლარს დღგ-ს ჩათვლით; (მათ შორის ერთი გასაღების ღირებულება შეადგენს 150,00 ლარს, ხოლო ტექნიკური საშუალებების დროებით გადაცემის პირობების 10,00 ლარი);
- 2.2 ანგარიშსწორება მხარეთა შორის განხორციელდეს საგადასახადო დოკუმენტაციის გამოწერიდან 5 საბანკო დღის განმავლობაში;
- 2.3 „დაცვის“ მომსახურების საგადასახადო დოკუმენტაციის გამოწერას უზრუნველყოფს სსიპ - დაცვის პოლიციის დეპარტამენტის ქ. თბილისის სამმართველო.

მუხლი 3. მხარეთა ვალდებულებები

3.1 „დაცვა“ ვალდებულია:

- 3.1.1 წინამდებარე ხელშეკრულების მოქმედების ვადით, ხელშეკრულების მომსახურების უზრუნველყოფის მიზნით, საკუთარი ხარჯებით უზრუნველყოს მის საკუთრებაში არსებული 1600 (ათას ექვსასი) ლარამდე ღირებულების (დანართი №1 (ინვოისი №10218)) აპარატურის (მოწყობილობები) მონტაჟი-ინსტალაცია „დამკვეთის“ ობიექტზე;
- 3.1.2 ცენტრალიზებული დაცვის პულტზე განგაშის მიღებიდან არაუგვიანეს 5 (ხუთი) წუთისა მოახდინოს „ობიექტზე“ გამოცხადება და ადგილზე მისვლის შემდეგ, „ობიექტზე“ მომხდარი სამართალდარღვევის ფაქტის შესახებ, დაუყოვნებლივ აცნობოს „დამკვეთს“ და უზრუნველყოს შს შესაბამისი ორგანოების გამოძახება, ხოლო მათ მოსვლამდე დაიცვას შემთხვევის ადგილის ხელშეუხებლობა;
- 3.1.3 „დამკვეთს“ ფაქტიური ზარალი აუნაზღაუროს სასამართლოს კანონიერ ძალაში შესული გადაწყვეტილების საფუძველზე;
- 3.1.4 სიგნალ „განგაშის“ მიღებისას ობიექტის გასახსნელად, სიგნალის ამუშავების მიზეზის დასადგენად, აგრეთვე ობიექტის ხელმეორედ დაცვაზე ასაყვანად, გამოიძახოს „დამკვეთი“ ან ობიექტის მიღება-ჩაბარებაზე პასუხისმგებელი პირი;
- 3.1.5 არ მიიღოს „ობიექტი“ დაცვაში, თუ არ შესრულდა მოკვლევის აქტით განსაზღვრული მოთხოვნები ან შეიქმნა ისეთი პირობები, რომელთა გამოც, „დაცვისგან“ დამოუკიდებელი მიზეზებით არ ხერხდება დაცვაში აყვანა, რაზედაც „დამკვეთს“ ეცნობება წინასწარ;
- 3.1.6 იკისროს პასუხისმგებლობა მხოლოდ იმ ზარალისთვის, რომელიც გამოიწვია „დაცვის“ ვალდებულებების არაჯეროვანმა შესრულებამ და არა „დამკვეთის“ დაუდევრობამ.

3.2. „დამკვეთი“ ვალდებულია:

- 3.2.1 „ობიექტის“ დაცვაზე მიღება-ჩაბარებისთვის ოფიციალურად გამოყოს არანაკლებ 3 (სამი) პასუხისმგებელი (ნდობით აღჭურვილი) პირი და გადასცეს მას სიგნალიზაციით სარგებლობის ან ხელშეკრულებით გათვალისწინებული სხვა ვალდებულებების შესრულების უფლება;
- 3.2.2 განგამის შემთხვევაში „დაცვას“ მისცეს დასაცავი „ობიექტის“ გახსნისა და დათვალიერების საშუალება;
- 3.2.3 უცხო პირებს არ გაანდოს დაცვის ტექნიკური საშუალებების გამოყენების წესები, „ობიექტზე“ მინიჭებული პირობითი ნომერი;
- 3.2.4 სიგნალიზაციის გაუმართაობის შემთხვევაში დაუყოვნებლივ აცნობოს ამის შესახებ „დაცვას“, დაელოდოს „დაცვის“ წარმომადგენლის გამოცხადებას და ნაკლოვანებების აღმოფხვრას;
- 3.2.5 ელექტროენერგიის ავარიული გამორთვის შემთხვევაში იქონიოს გამართულ მდგომარეობაში დასამუხტი და სარეზერვო მკვებავი საშუალებები;
- 3.2.6 წინამდებარე ხელშეკრულების 3.1.1 პუნქტში მითითებული მოწყობილობების (რომლებიც წარმოადგენს „დაცვის“ საკუთრებას და დაცვის განხორციელების მიზნით გადაცემულია „დამკვეთისთვის“) დაზიანებისას ან დაკარგვისას, აგრეთვე დაცვის მომსახურების ხელშეკრულების შეწყვეტიდან 5 სამუშაო დღეში „დაცვისთვის“ დაუბრუნებლობის (აპარატურის დემონტაჟს უზრუნველყოს „დაცვა“) შემთხვევაში, 5 სამუშაო დღის განმავლობაში აანაზღაუროს მიყენებული ზარალი, დანართი №1-ით განსაზღვრული ღირებულების შესაბამისად;
- 3.2.7 მხოლოდ დაცვასთან შეთანხმებით, გადასცეს პასუხისმგებელ (ნდობით აღჭურვილი) პირს „ობიექტზე“ შესვლის, სიგნალიზაციით სარგებლობისა და ხელშეკრულების 3.2.2, 3.2.3, 3.2.4 პუნქტებით გათვალისწინებული ვალდებულებების შესრულების უფლება;
- 3.2.8 უზრუნველყოს მოკვლევის აქტით განსაზღვრული მოთხოვნების შესრულება;
- 3.2.9 არ დაუშვას „შემსრულებლის“ მიერ დამონტაჟებული აპარატურის გადაკეთება ან შეკეთება დაცვის პოლიციის დეპარტამენტის წარმომადგენლის გარეშე. წინააღმდეგ შემთხვევაში დაცვა არ აგებს პასუხს „დამკვეთის“ თვითნებური მოქმედებით გამოწვეულ გაუმართაობაზე (შეფერხებაზე) და „დამკვეთისთვის“ მიყენებულ ზიანზე;
- 3.2.10 რეკვიზიტების (მისამართი, საკონტაქტო ტელეფონები) შეცვლის შემთხვევაში, დაუყოვნებლივ აცნობოს „დაცვას“.
- 3.2.11 ხელშეკრულების შეწყვეტის შემთხვევაში, დაცვით-საგანგაშო სიგნალიზაციის სისტემის მონტაჟ-ინსტალაციის მიღება-ჩაბარების აქტის „ზ“ პუნქტით განსაზღვრული მოწყობილობების შემოწმებისა და დემონტაჟის მიზნით, უზრუნველყოს დაცვის წარმომადგენლების დაშვება ობიექტზე;
- 3.2.12 სიგნალ „განგაშის“ ან ტექნიკური ხარვეზის მიზეზების დადგენისა და „ობიექტის“ გახსნის მიზნით, თვითონ ან მისი უფლებამოსილი პირი გამოცხადდეს „ობიექტზე“, „დაცვის“ უფლებამოსილი დანაყოფისგან ან პირისგან შეტყობინების მიღებიდან გონივრულ ვადაში, მაგრამ არაუგვიანეს 24 საათისა. „დამკვეთის“ მიერ აღნიშნული ვალდებულების შეუსრულებლობის შემთხვევაში, „დაცვა“ იხსნის ყოველგვარ პასუხისმგებლობას;
- 3.2.13 ხელშეკრულების ძალაში შესვლიდან ერთი წლის განმავლობაში, დამკვეთის მიერ წინამდებარე ხელშეკრულების ცალმხრივად შეწყვეტის შემთხვევაში დაცვას გადაუხადოს პირგასამტეხლო 200 (ორასი) ლარის ოდენობით.

მუხლი 4. ფორს-მაჟორი

4.1. მხარეები თავისუფლდებიან ხელშეკრულებით გათვალისწინებული ვალდებულებების შესრულებისგან ფორს-მაჟორული შემთხვევების დროს, რომლის დროსაც შეუძლებელია დაკისრებული მოვალეობათა შესრულება და რაც დადასტურებულია სათანადო ორგანოების მიერ.

მუხლი 5. ხელშეკრულების მოქმედების ვადა

5.1 ხელშეკრულება ძალაში შედის 2020 წლის 1 იანვრიდან და მოქმედებს 2020 წლის 31 იანვრის ჩათვლით, ხოლო მომსახურების გაწევა განხორციელდება 2020 წლის 1 იანვრიდან 2020 წლის 31 დეკემბრის ჩათვლით.

მუხლი 6. ხელშეკრულების სხვა პირობები

6.1 წინამდებარე ხელშეკრულების განუყოფელ ნაწილს წარმოადგენს დანართი №1 და №2, ასევე მხარეთა შორის გაფორმებული „ობიექტის“ მოკვლევის აქტი და დაცვით-საგანგაშო სიგნალიზაციის სისტემის მონტაჟ-ინსტალაციის სამუშაოების მიღება-ჩაბარების აქტი;

6.2 „დაცვა“ მატერიალურ პასუხისმგებლობას იხსნის, თუ „დამკვეთი“ არ განახორციელებს მოკვლევის აქტში „დაცვის“ მიერ მითითებული რეკომენდაციების შესრულებას;

- 6.3 „დაცვა“ უფლებამოსილია ზარალის ოდენობის განსაზღვრის მიზნით მონაწილეობა მიიღოს შედარების აქტის შედგენაში, რომელიც უნდა ეყრდნობოდეს „დამკვეთის“ საბუღალტრო დოკუმენტაციას და ადასტურებდეს დაცვის პოლიციის დეპარტამენტის შესაბამისი დანაყოფის ხელმძღვანელობის ხელმოწერა;
- 6.4 „დაცვა“ უფლებამოსილია ცალმხრივად შეწყვიტოს ხელშეკრულება;
- 6.5 ხელშეკრულების ცალმხრივად შეწყვეტისას, მხარეები ხუთი დღით ადრე წერილობით აცნობებენ ერთმანეთს მიღებული გადაწყვეტილების შესახებ;
- 6.6 ხელშეკრულების 1.2 პუნქტით გათვალისწინებული ვალდებულების შეუსრულებლობის შემთხვევაში, „დაცვა“ უფლებამოსილია მოსთხოვოს „დამკვეთს“ პირგასამტეხლოს გადახდა, ყოველ ვადაგადაცილებულ დღეზე, შეუსრულებელი ვალდებულების 0,2%-ის ოდენობით;
- 6.7 ხელშეკრულების 6.6 პუნქტით გათვალისწინებული პირგასამტეხლოს ოდენობის შეუსრულებელი ვალდებულების 5%-ის მიღწევის შემთხვევაში, „დაცვა“ უფლებამოსილია ცალმხრივად შეწყვიტოს ხელშეკრულება დაუყოვნებლივ;
- 6.8 „დამკვეთის“ მიერ ხელშეკრულებით გათვალისწინებული ვალდებულებების შეუსრულებლობის ან ერთი თვის სახელშეკრულებო თანხის გადაუხდელობის შემთხვევაში „დაცვა“ უფლებამოსილია ცალმხრივად შეწყვიტოს ხელშეკრულება;
- 6.9 „დაცვა“ უფლებამოსილია ცალმხრივად მიიღოს გადაწყვეტილება დაცვის მომსახურების ტარიფის ცვლილებების შესახებ, რომელიც წერილობით ეცნობება „დამკვეთს“ ერთი თვით ადრე;
- 6.10 „დაცვა“ ობიექტის დაცვის მომსახურების შეწყვეტიდან არაუმეტეს 7 სამუშაო დღის განმავლობაში განახორციელებს 3.1.1 ქვეპუნქტში მითითებული მოწყობილობების (რომლებიც წარმოადგენს „დაცვის“ საკუთრებას და დაცვის განხორციელების მიზნით გადაცემულია „დამკვეთისთვის“) შემოწმებას და დემონტაჟს;
- 6.11 დამკვეთის მოთხოვნის შემთხვევაში, დაცვა ვალდებულია გასცეს დამკვეთზე დამატებითი ერთჯერადი ოთხნიშნა კოდი (შემდგომში - კოდი);
- 6.12 დამკვეთის მიერ კოდი გამოიყენება მხოლოდ იმ შემთხვევებში, როდესაც ობიექტზე მართლსაწინააღმდეგო შეღწევა ან შეღწევის მცდელობა ხორციელდება დამკვეთზე ან მის უფლებამოსილ პირზე მათი სიცოცხლის და/ან ჯანმრთელობისათვის საშიში რეალური მუქარის საფუძველზე;
- 6.13 კოდის გამოყენების შემთხვევაში, იგი უქმდება და მოთხოვნის შემთხვევაში გაიცემა ახალი კოდი;
- 6.14 კოდის გაცემის ღირებულებაა 15 (თხუთმეტი) ლარი დღგ-ს ჩათვლით, რომელსაც დამკვეთი იხდის სააბონენტო გადასახადთან ერთად, ოთხნიშნა კოდის გადაცემისა და შესაბამისი მიღება-ჩაბარების აქტის გაფორმების შემდეგ;
- 6.15 საჭიროების შემთხვევაში „დამკვეთი“ უფლებამოსილია ობიექტის გახსნის მიზნით, ობიექტის გასაღების დუბლიკატი შესაბამის კოდთან ერთად მიღება-ჩაბარების აქტით გადასცეს „დაცვას“;
- 6.16 მხარეები თანხმდებიან, რომ „დაცვის მიერ გასაღები გამოყენებული იქნება მხოლოდ იმ შემთხვევაში, თუ სიგნალ „განგაშის“ შემოსვლისას ვერ ხერხდება „დამკვეთთან“ ან მისი ნდობით აღჭურვილ პირთან დაკავშირება;
- 6.17 დამკვეთი აცხადებს წინასწარ თანხმობას, რომ წინამდებარე ხელშეკრულების 6.16 პუნქტით განსაზღვრულ შემთხვევაში გასაღების გამოყენება ჩაითვლება მართლზომიერ გამოყენებად და მას არ ექნება არანაირი პრეტენზია „დაცვის“ მიმართ;
- 6.18 წინამდებარე ხელშეკრულების ძალაში შესვლიდან ერთი წლის შემდეგ, „დამკვეთი“ უფლებამოსილია დროებით არ ისარგებლოს წინამდებარე ხელშეკრულებით გათვალისწინებული მომსახურებით (შემდგომში „ხელშეკრულების პასიურ მოქმედებად“ წოდებული), რაც გულისხმობს, „დამკვეთის“ წერილობითი მომართვის საფუძველზე, „ობიექტის“ დროებით ცენტრალიზებული დაცვის პულტიდან გათიშვას;
- 6.19 წინამდებარე ხელშეკრულების 6.18 პუნქტით გათვალისწინებულ შემთხვევაში, „დამკვეთი“ ვალდებულია არანაკლებ 5 დღით ადრე, წერილობითი ფორმით აღნიშნულის შესახებ აცნობოს „დაცვას“;
- 6.20 „დაცვა“ ვალდებულია, წინამდებარე ხელშეკრულების 6.19 პუნქტით გათვალისწინებული წერილობითი მომართვიდან გონივრულ ვადაში, მაგრამ არაუმეტეს 5 დღის ვადაში, დროებით შეწყვიტოს ხელშეკრულებით გათვალისწინებული მომსახურება;
- 6.21 „ხელშეკრულების პასიური მოქმედების“ შეწყვეტის შემთხვევაში, „დამკვეთი“ ვალდებულია არანაკლებ 2 დღით ადრე, წერილობითი ფორმით აღნიშნულის შესახებ აცნობოს „დაცვას“;
- 6.22 „დაცვა“ ვალდებულია წინამდებარე ხელშეკრულების 6.21 პუნქტით გათვალისწინებული წერილობითი მომართვიდან გონივრულ ვადაში, მაგრამ არაუმეტეს 2 დღის ვადაში, ამოქმედოს წინამდებარე ხელშეკრულებით გათვალისწინებული მომსახურება;
- 6.23 „ხელშეკრულების პასიური მოქმედების“ პერიოდში, „დაცვის“ მომსახურების ღირებულება ერთ თვეში შეადგენს 10 (ათი) ლარს, დღგ-ს ჩათვლით;
- 6.24 „ხელშეკრულების პასიური მოქმედების“ მომსახურებაზე, ანგარიშსწორება მხარეთა შორის განხორციელდება საგადასახადო დოკუმენტაციის გამოწერიდან 5 საბანკო დღის განმავლობაში;

- 6.25 ხელშეკრულების პასიური მოქმედების პერიოდში „დამკვეთი“ პასუხისმგებელია „ობიექტზე“ დამონტაჟებულ აპარატურაზე;
- 6.26 სადავო საკითხებს მხარეები წყვეტენ ურთიერთშეთანხმებით, ხოლო შეთანხმების მიუღწევლობის შემთხვევაში სასამართლოს მეშვეობით;
- 6.27 წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წარმოადგენს ხელშეკრულების შემადგენელ და განუყოფელ ნაწილს;
- 6.28 დამკვეთის თანხმობის შემთხვევაში, „დაცვა“ უზრუნველყოფს დასაცავი ობიექტიდან ცდპ-ზე შემოსული ინფორმაციის (გახსნის, დაკეტვის და განგაშის) მოკლე ტექსტური შეტყობინების (SMS) სახით „დამკვეთისთვის“ მიწოდებას, ამ უკანასკნელის მიერ მითითებულ ტელეფონის ნომერზე: 599-960-576;
- 6.29 აღნიშნული მომსახურება ერთ ობიექტზე ერთ სატელეფონო ნომერზე უფასოა, ხოლო მომდევნო ტელეფონის ნომერზე თვეში შეადგენს 1 (ერთი) ლარს, დღგ-ს ჩათვლით.
- 6.30 წინამდებარე ხელშეკრულების ძალაში შესვლის დღიდან შეწყდეს 2018 წლის 24 დეკემბერს გაფორმებული N4070 სსიპ „საზოგადოებრივი კოლეჯის „თბილისის ხელოვნების კოლეჯი“-ს დაცვის ხელშეკრულება.
- 6.31 ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთაგან, ერთი ინახება „დამკვეთთან, ხოლო ერთი „დაცვასთან“.

მხარეთა რეკვიზიტები და ხელმოწერები

<p>„დაცვა“ შსს სსიპ– დაცვის პოლიციის დეპარტამენტი ს/კ 211350928 ქ. თბილისი, დ. აღმაშენებლის ხეივანი, მე-11 კმ მიმღების ბანკი - სახელმწიფო ხაზინა; მიმღების დასახელება - ხაზინის ერთიანი ანგარიში; ბანკის კოდი - TRESGE22; მიმღების ანგარიში/სახაზინო კოდი - 707117293.</p> <p>დაცვის ორგანიზაციის სამმართველოს უფროსი</p> <p style="text-align: right;">მ. ლიპარტელიანი</p>	<p>„დამკვეთი“ სსიპ კოლეჯი „თბილისის ხელოვნების კოლეჯი“ ს/კ N 202469514 ფ/მ ქ. თბილისი, ვაკე-საბურთალოს რ-ნი, კოსტავას ქუჩა N77. ტ- 599 96 05 76 ირაკლი ნდ.აღჭ.პ. ტ- 595 27 75 80 გიორგი 595 90 41 41 ნათია 577 78 01 24 ნინო</p> <p>დირექტორი</p> <p style="text-align: right;">ი.ფაჩულია</p>
--	--